



Bosna i Hercegovina
Federacija Bosne i Hercegovine
Hercegovačko – neretvanski kanton
Grad Konjic
GRADONAČELNIK



Broj: 12-24-1-4624/25

Konjic, 18.11.2025. godine

Na osnovu člana 15. Zakona o principima lokalne samouprave u FBiH (Službene novine FBiH broj 49/06 i 51/09), člana 38. Statuta Grada Konjica (Službeni glasnik Grada Konjica broj: 10/22), Odluke Gradskog vijeća Konjic broj: 03-40-1-373/25 od 04.02.2025. godine o usvajanju elaborata o procijenjenoj šteti nastaloj 04.10.2024. godine od poplava, odrona i nanosa, Odluke o raspodjeli i dodjeli sredstava utvrđenih Budžetom Federacije BiH za 2025. godinu Vladi Federacije BiH na poziciji „Tekući transferi drugim nivoima vlasti i fondovima - Finansijska pomoć za gradove i općine za sanaciju šteta uzrokovanih poplavama“ (Službene novine Federacije BiH broj: 77/25) i člana 1. stav 1. tačka 1. Ugovora o namjenskom korištenju dodijeljenih sredstava broj: 05-11-1770/25 od 23.10.2025. godine potpisanog između Vlade Federacije Bosne i Hercegovine - Generalni sekretarijat Vlade Federacije Bosne i Hercegovine i Grada Konjica Gradonačelnik Grada Konjica r a s p i s u j e

**JAVNI POZIV
ZA PODNOŠENJE PRIJAVA ZA DODJELU SREDSTAVA PRIVATNIM PRIVREDNIM
SUBJEKTIMA U SVRHU SANIRANJA POSLJEDICA MATERIJALNE ŠTETE
UZROKOVANIH POPLAVAMA NA PODRUČJU GRADA KONJICA**

I PREDMET

Predmet javnog poziva je dodjela finansijskih sredstava u svrhu saniranja posljedica materijalne štete i otežanog poslovanja privatnih privrednih subjekata sa sjedištem poslovanja ili izdvojenom poslovnom jedinicom uzrokovanih poplavama na području grada Konjica.

II PRAVO NA PODNOŠENJE PRIJAVE

Na javni poziv a u skladu sa članom 1. stav 1. tačka 1. Ugovora potpisanog između Vlade Federacije Bosne i Hercegovine-Generalni sekretarijat Vlade Federacije Bosne i Hercegovine i Grada Konjica mogu se prijaviti privatni privredni subjekti koji su registrovani u skladu sa važećim zakonskim propisima (Zakon o privrednim društvima, Zakon o obrtu, Zakon o ugostiteljstvu i Zakon o unutrašnjoj trgovini) sa sjedištem poslovanja ili izdvojenom poslovnom jedinicom u poplavljenom području a koji ispunjavaju sljedeće uslove:

- a) Da su pretrpjeli direktnu štetu od posljedica prirodne nesreće-poplava na području grada Konjica,
- b) Da je procjenu štete izvršila Komisija za procjenu šteta Grada Konjica, te da je ista evidentirana u Elaboratu o štetama i usvojena na Gradskom vijeću Grada Konjica,
- c) Da su izmirili obaveze po osnovu javnih prihoda zaključno sa 31.08.2024. godine ili sa danom prijave na javni poziv,
- d) Da su opravdali ranije dodijeljena sredstva za pomoć privrednim subjektima za saniranje posljedica poplave na području grada Konjica.

Pravo na podnošenje prijave na ponovni javni poziv nemaju:

- a) javna preduzeća, javne ustanove, banke i druge finansijske organizacije, osiguravajuća društva, sportske kladionice i poslovni subjekti čija djelatnost obuhvata igre na sreću, javne institucije, organi uprave, organi i jedinice lokalne samouprave, poslovni subjekti čiji su žiro računi blokirani, poslovni subjekti čija šifra osnovne djelatnosti obuhvata poljoprivredu.
- b) Poslovni subjekti koji nisu izmirili obaveze po osnovu javnih prihoda ili nemaju potpisan sporazum o odgodi plaćanja (doprinosa za PIO/MIO i zdravstveno osiguranje i osiguranje od nezaposlenosti) zaključno sa 31.08.2024.godine.

III FINANSIJSKA SREDSTVA ZA REALIZACIJU

Ukupan iznos finansijskih sredstava za realizaciju javnog poziva iznosi: **2.050.000,00 KM.**

IV NAMJENA I CILJ

Prihvatljive su samo aktivnosti čiji je cilj saniranje nastalih posljedica od prirodne nesreće, koje su prijavljene na obrascima za prijavu štete Službe za civilnu zaštitu i vatrogastvo (Komisiji za procjenu šteta od prirodnih i drugih nesreća) i u skladu sa usvojenim elaboratom o procijenjenoj šteti.

V DOKUMENTACIJA I NAČIN PODNOŠENJE PRIJAVE

- (1) Prijave na javni poziv dostavljaju se putem pošte ili lično na protokol gradske uprave Grada Konjica.
- (2) Poslovni subjekti dužni su popuniti prijavni obrazac koji se nalazi u prilogu ovog javnog poziva i uz njega dostaviti sljedeću dokumentaciju:
 - a) Rješenje iz sudskog registra sa svim pojedinačnim priložima ili Aktuelni izvod iz sudskog registra a za ostale poslovne subjekte rješenje o registraciji izdato od strane nadležne gradske službe,
 - b) Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO, zdravstveno osiguranje i osiguranje od nezaposlenosti sa 31.08.2024. godine).
 - c) Potpisanu i ovjerenu izjavu o namjenskom korištenju sredstava koja se nalazi u prilogu ovog javnog poziva),
 - d) Potpisanu i ovjerenu izjavu o primljenoj pomoći od drugih nivoa vlasti, organizacija, udruženja, osiguravajućih društava i drugih pravnih i fizičkih osoba

Prijave koje ne sadrže svu potrebnu dokumentaciju, bit će odbačene i neće biti predmet daljeg razmatranja Komisije. Sva priložena dokumentacija mora biti izdata od strane nadležnih sudskih ili upravnih organa u FBiH. Dokumentacija ne smije biti starija od 3 mjeseca od dana objavljivanja ovog poziva.

Poslovni subjekti koji se prijavljuju na ovaj javni poziv podnose prijavu na adresu:

GRAD KONJIC,
Maršala Tita br. 62 88400 Konjic
PRIJAVA NA JAVNI POZIV "ZA PODNOŠENJE PRIJAVA ZA DODJELU SREDSTAVA
PRIVATNIM PRIVREDNIM SUBJEKTIMA U SVRHU SANIRANJA POSLJEDICA
MATERIJALNE ŠTETE UZROKOVANIH POPLAVAMA NA PODRUČJU GRADA
KONJICA"

VI ROK ZA PODNOŠENJE PRIJAVE

Krajnji rok za podnošenje prijave je 15 dana od dana objave Javnog poziva na web stranici Grada Konjica.

VII KRITERIJI ZA VREDNOVANJE PRIJAVA

Prilikom ocjene prijava na Javni poziv vrednovat će se sljedeći kriteriji:

- a) visina iznosa pretrpljene štete, odnosno konačan izvještaj o nastaloj šteti, koje će Komisija zatražiti od Komisije za procjenu štete od prirodnih i drugih nesreća grada Konjica
- b) visina primljene pomoći od drugih nivoa vlasti, osiguranja, organizacija, udruženja i drugih pravnih i fizičkih lica

VIII KOMISIJA

- (1) Gradonačelnik imenuje Komisiju koja će razmotriti pristigle prijave i sačiniti prijedlog Odluke o izboru korisnika sredstava.
- (2) Preliminarni rezultati Javnog poziva objavljuju se na web stranici Grada Konjica radi ulaganja prigovora u roku od osam dana od dana objave preliminarnih rezultata.
- (3) Komisija podnosi izvještaj o provedenom javnom pozivu Gradonačelniku sa prijedlogom Odluke o dodjeli sredstava po javnom pozivu.

IX IZBOR KORISNIKA FINANSIJSKIH SREDSTVA

- (1) Izbor korisnika sredstava vrši se u skladu sa kriterijima iz javnog poziva.
- (2) Sa korisnicima odobrenih sredstava Gradonačelnik će zaključiti Ugovor o implementaciji dodijeljene finansijske pomoći. Potpisivanjem Ugovora, korisnik sredstava prihvata dodijeljena finansijska sredstva i obavezuje se da će ih koristiti transparentno, zakonito i isključivo u namjenske svrhe, u skladu sa odredbama ovog javnog poziva i Ugovora.

X MODALITET ZA PRAĆENJE NAMJENSKOG TROŠENJA DODJELJENIH SREDSTAVA

Namjenskim utroškom sredstava će se smatrati utrošak sredstava koji se može dovesti u direktnu vezu sa svrhom dodijeljenih sredstava i isti će predstavljati prihvatljive troškove.

Prihvatljivi troškovi se priznaju za period od dana nastanka stanja prirodne nesreće uzrokovane poplavama i klizištima na području grada Konjica do 31.12.2026. godine i to troškovi:

- a) troškovi za nabavku mašina i opreme,
- b) troškovi za popravku mašina i opreme,
- c) troškovi za nabavku sirovina i drugog materijala za redovno obavljanje registrovane djelatnosti,
- d) troškovi nabavke građevinskog materijala,
- e) troškovi građevinskih radova na sanaciji oštećenih objekata.

Neprihvatljivim troškovima smatrat će se troškovi nastali prije dana nastanka poplave (prije 04.10.2024.god).

Korisnik sredstava se obavezuje da će Gradu Konjicu dostaviti izvještaj o namjenskom utrošku sredstava, sa pratećom dokumentacijom u roku od 6 mjeseci od dana potpisivanja Ugovora.

XI OSTALE ODREDBE

U slučaju utvrđivanja nenamjenskog korištenja dodijeljenih sredstava ili neispunjavanja ugovorenih obaveza, pokrenut će se postupak povrata dodijeljenih novčanih sredstava putem javnog pravobranilaštva Grada Konjica.

Nepotpune, neblagovremene i neuredne prijave neće se uzeti u razmatranje.

Sve dodatne informacije mogu se dobiti svakim radnim danom putem telefona: 036/712-253.

GRADONAČELNIK

Osman Ćatić s.r.